



Reykjavíkurborg
Heilbrigðiseftirlit

STARFSLEYFI

fyrir rekstur dýra- og skemmtigarða (Fjölskyldu- og húsdýragarðurinn) að Múlavegi 2

Nafn leyfishafa: Íþróttá- og tómstundaráð Reykjavíkur

Heimilisfang: Borgartún 12-14

Póstnúmer: 105

Kennitala: 521286-1569

Útgáfudagur leyfis: 16. júlí 2019

Gildir til: 16. júlí 2031

Starfsleyfi þetta er gefið út samkvæmt ákvæðum laga nr. 7/1998 um hollustuhætti og mengunarvarnir með síðari breytingum og laga nr. 93/1995 um matvæli þegar um matvæli er að ræða.

Leyfishafi skal hlíta ákvæðum framangreindra laga, einnig laga nr. 6/2002 um tóbaksvarnir með síðari breytingum. Einnig ákvæðum annarra laga, reglugerða og starfsleyfisskilyrða sem um starfsemina kunna að gilda.

Leyfið er einnig gefið út með samræmdum starfsleyfisskilyrðum fyrir gæludyr og skilyrðum fyrir leiksvæði barna og almennum starfsleyfisskilyrðum heilbrigðisnefndar Reykjavíkur fyrir mengandi starfsemi.

Fyrirhugaðar breytingar á húsnæði, framleiðslu eða rekstri skulu gerðar í samráði við Heilbrigðiseftirlit. Við flutning eða eigendaskipti fellur starfsleyfið úr gildi nema nýr rekstraraðili sæki um að leyfið færist yfir á hans nafn.

Framsal þessa leyfis er óheimilt. Skylt er að framvísa starfsleyfinu þegar opinber eftirlitsaðili óskar þess. Starfsleyfi þetta skal hanga uppi á áberandi stað.

Ef starfsleyfið er gefið út til lengri tíma en fjögurra ára er heimilt að endurskoða það á fjögurra ára fresti. Leyfishafi skal greiða starfsleyfis- og eftirlitsgjöld samkvæmt gildandi gjaldskrá.

Reykjavík, 16. júlí 2019



Fylgiskjal 1

Greinargerð vegna auglýsingar á starfsleyfistillögu og útgáfu starfsleyfis fyrir

Fjölskyldu- og húsdýragarðinn

kt. 521286-1569

Múlavegi 2, 104 R.

Starfsleyfi fyrir Fjölskyldu- og húsdýragarðinn, 104 R.

1. Aðdragandi að auglýsingu starfsleyfistillögu

Heilbrigðiseftirlit Reykjavíkur móttók 11.06.2019. umsókn Fjölskyldu- og húsdýragarðsins. kt. 521286-1569, um starfsleyfi fyrir rekstur dýra- og skemmtigarðs. Um er að ræða endurnýjun á starfsleyfi.

Móttaka umsóknar var auglýst á heimasíðu Heilbrigðiseftirlit Reykjavíkur (HER), www.reykjavik.is/thjonusta/heilbrigðiseftirlit-reykjavikur, þann 12.06.2019. Tillaga að starfsleyfi er þrjúþætt. Annars vegar starfsleyfi fyrir dýragarð og leiksvæði samanber ákvæði rlg. 941/2002 um hollustuhætti, og hins vegar leyfi fyrir mengandi starfsemi sem í þessu tilfalli er búfjár og dýrahald sbr. ákvæði í rlg. 550/2018 um losun frá iðnaði og mengunarvarnir. Samkvæmt ákvæðum í gr. 6 í rlg. 550/2018 þarf að auglýsa tillögu að starfsleyfi fyrir mengandi starfsemi en tekin var ákvörðun um að auglýsa starfsleyfið í heild. Í tillögu að starfsleyfi er lagt til að um starfsemina gildi samræmd starfsleyfisskilyrði Umhverfisstofnunar og heilbrigðiseftirlit sveitarfélaga fyrir starfsemi með gæludýr, samræmd starfsleyfisskilyrði Umhverfisstofnunar og heilbrigðiseftirlit sveitarfélaga fyrir leiksvæði barna og almenn starfsleyfisskilyrði heilbrigðisefndar Reykjavíkur fyrir mengandi starfsemi.

2. Umsögn skipulags- og byggingafulltrúa

Um er að ræða endurnýjun á starfsleyfi fyrir rekstur sem hefur verið starfræktur um árabíl. Ekki var talin þörf á að leita umsagnar byggingafulltrúa.

3. Opinber auglýsing á starfsleyfistillögu

Skv. ákvæði 6. gr. reglugerðar nr. 550/2018 um losun frá atvinnurekstri og mengunarvarnareftirlit skal útgefandi starfsleyfis auglýsa opinberlega á vefsíðu sinni tillögur að starfsleyfi, þ.e. hvers efnis þær eru og hvar megi nálgast þær. Heimilt er að gera skriflegar athugasemdir við tillögur útgefanda starfsleyfis innan fjögurra vikna frá auglýsingu.

Í samræmi við ofangreint ákvað Heilbrigðiseftirlit Reykjavíkur í umboði heilbrigðisnefndar að auglýsa tillögu að starfsleyfi fyrir Fjölskyldu- og húsdýragarðinn á heimasíðu Heilbrigðiseftirlitsins. Auglýsingin var birt þann 12.06.2019 og var frestur til að gera athugasemdir auglýstur fjórar vikur frá birtingu auglýsingarinnar. Rann fresturinn út þann 12.07.2019.

4. Athugasemdir sem bárust á auglýsingatíma

Engar athugasemdir bárust við auglýsta tillögu að starfsleyfi.

5. Breytingar á tillögu að starfsleyfi

Engar breytingar voru gerðar á tillögu að starfsleyfi frá auglýstri tillögu.



6. Ákvörðun heilbrigðiseftirlits Reykjavíkur um útgáfu starfsleyfis

Í samræmi við viðauka 2.2 við samþykkt um stjórn Reykjavíkurborgar og fundarsköp borgarstjórnar, nr. 715/2013, sjá samþykkt nr. 1052/2015 um breytingu á samþykkt um stjórn Reykjavíkurborgar og fundarsköp borgarstjórnar, nr. 715/2013, var ofangreind starfsleyfisumsókn Fjölskyldu- og húsdýragarðsins tekin fyrir á 1385. afgreiðslufundi Heilbrigðiseftirlits Reykjavíkur þann 16.07.2019 og samþykkt að gefa út starfsleyfi fyrir starfsemina til 12 ára.

7. Kæruleið og kærufrestur

Samkvæmt 1. mgr. 65. gr. laga nr. 7/1998 um hollustuhætti og mengunarvarnir, er heimilt að vísa ákvörðun heilbrigðiseftirlitsins í máli þessu til úrskurðarnefndar umhverfis- og auðlindamála. Um aðild, kærufrest, málsmeðferð og annað er varðar kæru til úrskurðarnefndar umhverfis- og auðlindamála fer skv. lögum nr. 130/2011 um úrskurðarnefnd umhverfis- og auðlindamála. Kæra til úrskurðarnefndarinnar frestar ekki réttaráhrifum ákvörðunarinnar, sbr. 5. gr. ofangreindra laga. Frestur til að vísa málinu til úrskurðarnefndar umhverfis- og auðlindamála er einn mánuður frá því kæranda varð kunnugt eða mátti vera kunnugt um ákvörðunina. Kæra skal vera skrifleg og undirrituð.

Reykjavík, 16.07.2019.

F.h. Heilbrigðiseftirlits Reykjavíkur,

Árný Sigurðardóttir
framkvæmdastjóri



Almenn starfsleyfisskilyrði heilbrigðisnefndar Reykjavíkur fyrir mengandi starfsemi

1. Gildissvið og almenn ákvæði

- 1.1 Almenn starfsleyfisskilyrði heilbrigðisnefndar Reykjavíkur fyrir mengandi starfsemi eru gefin út í samræmi við lög nr. 7/1998 um hollustuhætti og mengunarvarnir, með síðari breytingum og reglugerð nr. 550/2018 um losun frá atvinnustarfsemi og mengunarvarnaeftirlit, með síðari breytingum. Heilbrigðiseftirlit Reykjavíkur hefur eftirlit með starfseminni.
- 1.2 Handhafi starfsleyfis skal vera sá einstaklingur eða lögaðili sem rekur eða stýrir þeirri starfsemi sem starfsleyfið nær til, hér eftir kallaður rekstraraðili. Rekstraraðila ber að sjá til þess að starfsemin sé í samræmi við lög og reglur sem um starfsemina gilda og ákvæði starfsleyfisskilyrða. Rekstraraðili ber ábyrgð á að starfsemin fari með þeim hætti að hvorki fólki né umhverfi stafi hættu af.
- 1.3 Heimilt er að endurskoða starfsleyfisskilyrðin ef í ljós koma annmarkar á framkvæmd þeirra eða ef mengun er meiri en búast mátti við. Sama gildir ef nýjar reglur um mengunarvarnir taka gildi eða fram kemur ný tækni er leiðir til bættra mengunarvarna, samanber gr. 5 í rgl. 550/2018.
- 1.4 Um endurskoðun á starfsleyfisskilyrðum skal fara skv. ákvæðum í gr. 14 í reglugerð nr. 550/2018.
- 1.5 Verði meiri háttar breyting á rekstrinum eða breyting sem gæti leitt til aukinnar mengunar að mati Heilbrigðiseftirlits Reykjavíkur ber að sækja um starfsleyfi að nýju.
- 1.6 Ef rekstraraðili fyrirhugar að gera breytingar á eðli, virkni eða umfangi starfseminnar sem varðað geta starfsleyfið ber honum að tilkynna Heilbrigðiseftirliti Reykjavíkur um það með a.m.k. 3 mánaða fyrirvara, sbr. gr. 13 í rgl. 550/2018. Heilbrigðiseftirlitið metur upplýsingarnar innan fjögurra vikna frá móttöku þeirra og tilkynnir rekstraraðila skriflega um það hvort nauðsynlegt sé að gefa út nýtt starfsleyfi.
- 1.7 Öll mengunaróhöpp þar sem hættuleg efni eða spilliefni berast í fráveitu, jarðveg, sjó eða yfirborðsvatn ber tafarlaust að tilkynna Heilbrigðiseftirlitinu.
- 1.8 Fylgi rekstraraðili ekki ákvæðum starfsleyfis, laga og reglugerða um mengunarvarnir á starfsviði sínu eða fyrirmælum Heilbrigðiseftirlits Reykjavíkur um úrbætur getur Heilbrigðiseftirlitið beitt ákvæðum XVII kafla laga nr. 7/1998 til að knýja á um úrbætur.
- 1.9 Rekstraraðili ber ábyrgð á umhverfistjóni eða yfirvofandi hættu á slíku tjóni af völdum atvinnustarfsemi sinnar sbr. lög nr. 55/2012 um umhverfisábyrgð og skal koma í veg fyrir tjón eða bæta úr tjóni ef það hefur orðið og bera kostnað af ráðstöfunum sem af því leiðir.
- 1.10 Um opinbert eftirlit heilbrigðisnefndar Reykjavíkur með starfsleyfisskyldri starfsemi fer skv. gr. 57 í rgl. nr. 550/2018 um losun frá atvinnurekstri og mengunarvarnaeftirlit.
- 1.11 Starfsleyfi skal vera sýnilegt með áberandi hætti á starfsstöðinni. Eintak af skilyrðunum skal ávallt tiltækt á vinnustað og skal rekstraraðili bera ábyrgð á að efni þeirra sé kynnt viðkomandi starfsmönnum.



- 1.12 Almennitur á rétt á upplýsingum um starfsleyfi og starfsleyfisumsókn í samræmi við ákvæði IV viðauka reglugerðar nr. 550/2018. Heilbrigðiseftirlit Reykjavíkur birtir þær upplýsingar og niðurstöður eftirlits opinberlega. Birtingin er á vefsíðu embættisins eða með öðrum aðgengilegum hætti.

2. Lóð, athafnasvæði og húsnæði

- 2.1 Rekstraraðila er skylt að halda athafnasvæði, lóð og húsnæði hreinu og snyrtilegu og gæta þess að athafnasvæðið mengist ekki eða þar safnist fyrir úrgangur, svo og hlutir og búnaður sem ekki eru í notkun eða eru starfsemi óviðkomandi. Sorpgeymslur og ílát undir úrgang skulu standast kröfur Heilbrigðiseftirlitsins. Girðingum skal haldið við.
- 2.2 Virða skal lóðamörk og ekki geyma hluti á öðrum svæðum en rekstraraðili hefur fengið til afnota. Notkun lóðar og húsnæðis skal samrýmast því skipulagi og notkunargildi sem skipulags- og byggingaryfirvöld hafa samþykkt. Heilbrigðiseftirlitið getur krafist þess að lóð eða svæði innan hennar sé afgirt.
- 2.3 Að öðru leyti skal hlýta ákvæðum gr. 16 og 18 í reglugerð nr. 737/2003 um meðhöndlun úrgangs.

3. Meðferð hættulegra efna

- 3.1 Geyma skal öll hættuleg efni á öruggan hátt í traustum og rétt merktum ílátum. Hættuleg efni skulu meðhöndluð af varúð og þess vandlega gætt, að þau hvorki berist í niðurföll né geti á annan hátt valdið ónæði, heilsutjóni eða umhverfisskaða. Heilbrigðisnefnd getur gert kröfu um að efnavara eða stök efni séu geymd í læstum hirslum
- 3.2 Hættuleg efni skulu ekki geymd utandyra nema tryggt sé að mönnum og umhverfi stafi ekki hættu af þeim.
- 3.3 Rekstraraðila er skylt að hafa aðgengileg uppfærð öryggisblöð fyrir hreint efni eða efnablöndu sé krafa um þau sbr. 30. gr. efnalaga nr. 61/2013.
- 3.4 Umbúðir hættulegra efna skulu merktar samkvæmt ákvæðum reglugerðar nr. 415/2014 um flokkun, merkingu og umbúðir efna og efnablanda.
- 3.5 Starfsfólk skal hafa fullnægjandi þekkingu á eitrunarhættu og eiginleikum þeirra efna sem það vinnur með og skulu upplýsingar þar að lútandi ávallt vera tiltækar á vinnustaðnum.
- 3.6 Heilbrigðiseftirlitið getur gert kröfu um að rekstraraðili útbúi viðbragðsáætlun vegna mögulegra óhappa við meðhöndlun á varasömum efnum. Áætlunina skal uppfæra eftir þörfum við breytingar á starfsemi, á efnum eða aðstæðum á starfsstöð. Viðbragðsáætlunin þarf að vera sýnileg á áberandi stað í starfsstöðinni. Hún skal yfirfarin reglubundið með starfsmönnum. Æfa skal viðbrögð við óhöppum a.m.k. einu sinni á ári. Áætlunin skal vera aðgengileg eftirlitsaðila.

4. Meðferð úrgangs og spilliefna

- 4.1 Draga skal úr myndun úrgangs eins og kostur er.
- 4.2 Meðferð úrgangs skal miðast við að úrgangur sé endurnotaður eða endurnýttur þegar þess er nokkur kostur. Meðal annars skulu einstakar gerðir úrgangs flokkaðar sérstaklega sé það nauðsynlegt til að endurnotkun eða endurnýting geti farið fram.



- Að öðru leyti skal fara að ákvæðum reglugerðar nr. 737/2003 um meðhöndlun úrgangs.
- 4.3 Rekstraraðili skal eftir mætti draga úr myndun umhverfisspillandi efna, m.a. með notkun umhverfisvænna efna, með endurnýtingu, endurvinnslu eða endurhæfingu efna.
 - 4.4 Spilliefni skulu geymd þannig að ekki sé hætt á mengun umhverfisins eða skaðlegum áhrifum á fólk eða dýr. Spilliefnum skal safnað í lokuð traust ílát sem henta viðkomandi efnum. Einstökum spilliefnategundum skal haldið aðskildum og aðgreina skal spilliefnablöndur þar sem kostur er. Óheimilt er að blanda spilliefnum við annan úrgang nema Umhverfisstofnun hafi veitt til þess leyfi. Ílátin skulu merkt með orðinu „spilliefni“ og innihaldi. Þau skulu tryggilega varðveitt þar til þau eru flutt til eyðingar eða meðhöndlunar þannig að ekki sé hætt á að umbúðir verði fyrir hnjaski.
 - 4.5 Óheimilt er með öllu að losa spilliefni í fráveitu.
 - 4.6 Spilliefni skal ekki geyma til langframa og skal skilað reglulega til aðila sem starfsleyfi hafa til móttöku eða flutnings viðkomandi úrgangs.
 - 4.7 Þegar rekstraraðili afhendir spilliefni til flutningsaðila eða móttökustöðvar skal halda eftir skriflegri staðfestingu fyrir móttökunni þar sem fram kemur nafn flutningsaðila, magn (kg, l), flokkun og gerð úrgangs. Staðfestingar síðustu 5 ára skulu aðgengilegar við eftirlit í fyrirtækinu.
 - 4.8 Leggist starfsemin niður skal öllum spilliefnum og ónothæfum efnum skilað til móttökustöðvar fyrir spilliefni.
 - 4.9 Að öðru leyti skal fara að ákvæðum reglugerðar nr. 806/1999 um spilliefni m.s.br. Um skilgreiningu á spilliefnum fer skv. reglugerð nr. 1040/2016 um skrá yfir úrgang og mat á hættulegum eiginleikum úrgangs m.s.br.

5. Mengunarvarnir

- 5.1 Öll losun mengandi efna er óheimil án tilskilinna leyfa.
- 5.2 Rekstraraðila ber að gera allt sem í hans valdi stendur til að koma í veg fyrir að vatn, loft eða jarðvegur mengist. Halda skal í lágmarki mengun sem getur borist langar leiðir eða til annarra landa. Rekstraraðila er skylt að verða við kröfum Heilbrigðiseftirlitsins um úrbætur í mengunarvörnum þ.á.m. uppsetningu mengunarvarnabúnaðar, s.s. hreinsunarbúnaðar, loftútrása og hávaðavarna.
- 5.3 Ástand véla og tækja skal vera með þeim hætti að ekki valdi meiri mengun en ella. Ástand og eftirlit með mengunarvarnabúnaði skal vera þannig að búnaðurinn virki eins vel og kostur er.
- 5.4 Rekstraraðila ber að tryggja að atvinnureksturinn sé með þeim hætti að allar viðeigandi mengunarvarnir séu viðhafðar, og til þess sé beitt bestu aðgengilegu tækni (BAT), hafi hún verið skilgreind. Orku skal nýta vel.
- 5.5 Heilbrigðiseftirlitið getur farið fram á að rekstraraðili útbúi viðbragðsáætlun vegna mögulegra mengunaróhappa. Áætlunina skal uppfæra eftir þörfum við breytingar á starfsemi, efnum eða aðstæðum á starfsstöð. Viðbragðsáætlunin þarf að vera sýnileg á áberandi stað í starfsstöðinni. Hún skal yfirfarin reglubundið með starfsmönnum. Æfa skal viðbrögð við óhöppum a.m.k. einu sinni á ári. Áætlunin skal vera aðgengileg eftirlitsaðila.
- 5.6 Rekstraraðila er skylt að gera allt sem í hans valdi stendur til að draga úr hávaða og koma í veg fyrir ónæði og heilsuspillandi áhrif af völdum hávaða frá starfseminni. Um hávaða fer að öðru leyti skv. reglugerð nr. 724/2008 um hávaða.



- 5.7 Starfseminni skal þannig háttað að hún valdi ekki fólki í nágrenninu ónæði, óþægindum eða heilsufarslegri hættu vegna mengunar. Komi upp vandamál vegna lykta eða mengandi efna frá útblæstri, er rekstraraðila skylt að verða við kröfum Heilbrigðiseftirlitsins um úrbætur, s.s. uppsetningu hreinsibúnaðar eða hærri útrásar. sbr. gr. 5.2.
- 5.8 Þar sem fljótandi mengandi efni eru til staðar s.s. hættuleg efni, olíuefni og spilliefni skal undirlag vera vökvahelt og viðbragðsbúnaður hafður til taks, s.s. ílát og efni eða búnaður sem sýgur í sig vökva. Uppsogsgeta búnaðar skal taka mið af magni efna sem geymd eru á staðnum og eðli. Þar sem mikið magn framangreindra efna er til staðar skal auk þess hafa tiltækan búnað til að loka niðurföllum eða hindra á annan hátt að efnin geti borist í niðurföll. Heilbrigðiseftirlitið getur í sérstökum tilvikum gert kröfu um búnað, s.s. safntank eða lokubúnað á olíuskilju til að koma í veg fyrir að mengandi efni berist í fráveitu ef óhapp verður. Ef óhapp á sér stað skal leggja áherslu á að hefta útbreiðslu efnanna við uppsprettu og ná þeim upp áður en þau komast í frárennsli.
- 5.9 Við rekstur olíugeyma, meðhöndlun, notkun og geymslu á olíu, lýsi og grút, lífdísel og öðru lífoldsneyti, íblöndunarefni eða lífrænum leysum sem hafa svipaða eiginleika og olía og úrgangur þessara efna er meðhöndlaður eða geymdur ber að fylgja ákvæðum reglugerðar nr. 884/2017 um varnir gegn olíumengun frá starfsemi í landi, m.s.br.
- 5.10 Þar sem neyslu-, húsa- eða lausageymar eru í notkun skulu vera öruggar mengunar-, áreksturs-, eld- og slysavarnir.
- 5.11 Neyslugeymar sem notaðir eru fyrir áfyllingu á farartæki skulu vera með yfirfyllingarviðvörðun eða yfirfyllingavörn. Afgreiðsluplan tengt olíuskilju skal vera við neyslugeyma til afgreiðslu á ökutæki, sbr. þó undanþáguákvæði í gr. 41. í rgl. 884/2017. Olíuskilja skal vera skv. leiðbeiningum Umhverfisstofnunar og gildandi stöðlum sbr. viðauka II í rgl. 884/2017. Olíu- og sandskiljur skal skoða og yfirfara reglulega, en þó eigi sjaldnar en á 6 mánaða fresti, og tæma og hreinsa eftir þörfum með hliðsjón af leiðbeiningum Umhverfisstofnunar um olíuskiljur.
- 5.12 Gengið skal þannig frá neyslugeymum að ekki geti orðið sjálfrennsli frá þeim.
- 5.13 Neyslugeymir skal útbúinn afgreiðslubyssu með útsláttarbúnaði sem lokar fyrir rennsli áður en yfirfylling á sér stað. Afgreiðslubyssur skulu þannig útbúnar að ekki sé hægt að festa þær í opinni stöðu á milli afgreiðslna.
- 5.14 Þar sem olíuefni af jarðefnaolíuuppruna eru notuð skal koma í veg fyrir að þau berist út í umhverfið. Ef gera má ráð fyrir að olíuefni berist í frárennsli skal frárennslið leitt um olíuskilju. Olíuskilja skal vera skv. leiðbeiningum Umhverfisstofnunar. Á olíuskiljunni skal vera búnaður til að loka fyrir frárennsli frá henni, þannig að hægt sé að safna þar olíu og dæla beint úr skiljunni verði stórfellt óhapp.
- 5.15 Við rekstur kælikerfa með ósoneyðandi kælimiðlum skal fylgja ákvæðum reglugerðar nr. 970/2013 um efni sem valda rýrnun ósonlagsins, ásamt síðari breytingum.
- 5.16 Að öðru leyti skal fylgja ákvæðum rgl. 860/2000 um amalgammengað vatn og amalgammengaðan úrgang frá tannlæknastofum, rgl. nr. 920/2016 um brennisteinsdíoxíð, köfnunarefnisdíoxíð og köfnunarefnisoxíð, bensen, kolsýring, svifryk og blý í andrúmslofti og upplýsingar til almennings, rgl. 888/2015 um skráningu, mat, leyfisveitingu og takmarkanir að því er varðar efni (REACH) ásamt síðari breytingum, rgl. 787/1999 um loftgæði, rgl. 796/1999 um varnir gegn mengun vatns, rgl. 797/1999 um varnir gegn mengun grunnvatns, rgl. 798/1999 um fráveitur og skólþ, rgl. 799/1999 um meðhöndlun seyru, rgl. 804/1999 um varnir gegn



mengun vatns af völdum köfnunarefnissambanda frá landbúnaði og öðrum atvinnurekstri og rgl. 809/1999 um olíuúrgang.

6. Eigið eftirlit og skráningar

- 6.1 Rekstraraðili skal hafa eftirlit með öllum rekstrarþáttum sem geta haft í för með sér mengun. Jafnóðum skal skrá og geyma upplýsingar um:
- Eftirlit með, úttektir, prófanir, bilanir og viðhald á mengunarvarnabúnaði, þ.m.t. hreinsun á síum, olíuskiljum, skorsteinum og loftrásum.
 - Öll mengunaróhöpp og viðbrögð við þeim.
 - Magn (kg,l) og gerð spilliefna sem skilað hefur verið til móttökustöðvar eða flutningsaðila. Enn fremur nafn flutningsaðila og móttökustöðvar.
 - Annað sem ber að skrá skv. ákvæðum reglugerða eða sértækra starfsleyfisskilyrða.

7 Starfsemi hætt

- 7.1 Verði rekstri hætt, tímabundið eða varanlega, skal gera ráðstafanir til þess að úrgangi, efnun og búnaði verði ráðstafað á viðurkenndan hátt til að fyrirbyggja mengun og til hreinsunar lóðar. Tilkynna skal Heilbrigðiseftirliti Reykjavíkur með a.m.k. mánaðar fyrirvara um stöðvun rekstrar og ráðstafanir þar að lútandi.
- 7.2 Ef líkur eru taldar á því að athafnasvæði fyrirtækis hafi mengast, skal rekstraraðili ganga úr skugga um hvort svo sé þegar starfsemin er lögð niður eða flutt. Komi í ljós mengun skal fyrirtækið láta hreinsa svæðið á sinn kostnað, gerist þess þörf. Við ákvörðun um athugun á athafnasvæði, mat á mengun, hreinsunarþörf og hreinsiaðgerðir skal haft fullt samráð við Heilbrigðiseftirlitið.
- 7.3 Að öðru leyti skal hlýta ákvæðum gr. 16 og 18 í rgl nr. 737/2003 um meðhöndlun úrgangs.

Samþykkt á 10. fundi umhverfis- og heilbrigðisráðs Reykjavíkur 5.12.2018.

STARFSLEYFISSKILYRÐI FYRIR LEIKSVÆÐI BARNA

Samræmd starfsleyfisskilyrði vegna hollustuhátta, sbr. lög nr. 7/1998 um hollustuhætti og mengunarvarnir, með síðari breytingum

1. ALMENN ÁKVÆÐI OG GILDISSVIÐ

		Rgl.nr.	Uppfyllt
1.1	Starfsleyfisskilyrðin gilda fyrir leiksvæði barna, hvort sem er innan dyra eða utan, skipulagt fyrir leik barna svo sem í eða við leikskóla, skóla, gæsluvelli (frístundaheimili) og opin leiksvæði.	941/2002, fylgiskjal 1	
1.2	Starfsleyfið gildir aðeins í húsnæði eða á lóð sem tilgreint er í starfsleyfinu og hlotið hefur samþykki byggingarfulltrúa fyrir starfseminna.	941/2002, 14.gr.	
1.3	Ef um annan starfsleyfisskyldan rekstur er að ræða samhliða, gilda viðeigandi starfsleyfisskilyrði.	941/2002, 13.gr	
1.4	Þess skal gætt við staðsetningu leiksvæða barna að ekki verði um að ræða ónæði vegna hávaða eða mengunar frá umferð, atvinnurekstri eða annarri starfsemi.	941/2002, 34.gr.	
1.5	Rekstraraðili ber ábyrgð á rekstri fyrirtækis að öllu leyti, þar með talið að lögum og reglum, sem eiga við um starfseminna, sé fylgt sem og kröfum í starfsleyfi.	941/2002, 3. gr., 942/2002, 5.gr.	

2. HÚSNÆÐI OG BÚNAÐUR

		Rgl.nr.	Uppfyllt
2.1	Ef húsnæði er til staðar skal það uppfylla lágmarkskröfur um húsnæði, sbr. ákvæði 1. mgr. 14. gr.	941/2002, 41. gr.	
2.2	Húsnæði skal vel við haldið og aðskilið frá óskyldum atvinnurekstri eða íbúð.	941/2002, 14. gr.	
2.3	Greiður aðgangur skal vera að drykkjarvatni. Um gæði þess gilda ákvæði reglugerðar um neysluvatn.	941/2002, 14., 37. gr. 536/2001, 6. gr.	

2.4	Húsakynni skulu vera rúmgóð, björt, hæfilega hituð og loftræst á fullnægjandi hátt.	941/2002, 14., 37. gr.	
2.5	Miðað skal við að leiksvæði sé a.m.k. 3m ² fyrir hvert barn í leikskólum og öðrum sambærilegum stöðum þar sem börn eru vistuð. Meta skal þörfina eftir aldri barna.	941/2002, 37. gr.	
2.6	Læst og loftræst ræstiaðstaða með skolvaski skal vera til staðar. Þar skal vera nægilegt geymslurými fyrir ræstiahöld og efnavöru.	941/2002, 14. gr.	
2.7	Börnin skulu hafa aðgang að fullbúinni snyrtingu. Búnaður á salernum skal hæfa aldri barna. Þar sem við á skal vera aðstaða til bleiuskipta.	941/2002, 41. gr., fylgiskjal II	
2.8	Salernisrými skal vera loftræst með opnanlegum glugga eða vélrænni loftræstingu. Gerð salerna skal að öðru leyti vera í samræmi við ákvæði byggingarreglugerðar.	941/2002, 15. gr.	

3. HÁVAÐI

		Rgl.nr.	Uppfyllt
3.1	Um hávaða gildir reglugerð um hávaða.	724/2008	

4. HREINLÆTI OG ÞRIF

		Rgl.nr.	Uppfyllt
4.1	Innra eftirlit skal vera í samræmi við 11. og 36 gr. reglugerðar um hollustuhætti.	941/2002, 11., 36. gr.	
4.2	Til staðar skal vera skrifleg þrifaáætlun og verklýsing þar sem fram kemur hversu oft á að þrifa og hvaða efni á að nota til þrifa (þ.m.t. leikföng, dýnur, teppi o.fl.)	941/2002, 14., 35., 36. gr.	
4.3	Leikrými skal þrifa daglega og allsherjar hreingerning skal fara fram a.m.k. árlega.	941/2002, 14., 35., 36. gr.	
4.4	Nota skal umhverfisvæn efni til þrifa o.þ.h. þar sem því verður við komið og forðast óþarfa notkun efnavöru.	942/2002	
4.5	Gólfefni og annar frágangur húsnæðis skal vera þannig að þrif séu auðveld.	941/2002, 14. gr.	
4.6	Ekki má hleypa hundum, köttum eða öðrum gæludýrum inn í húsnæðið.	941/2002, 19. gr.	
4.7	Reykingar eru bannaðar. Bannið nær til húsnæðis og lóðar.	326/2007,	

		2. gr.	
4.8	Um notkun á tóbaki og aðra tóbaksneyslu fer skv. ákvæðum laga um tóbaksvarnir.	Lög nr. 6/2002	

5. ÖRYGGI OG SLYSAVARNIR

		Rgl.nr.	Uppfyllt
5.1	Rekstraraðila er skylt að fyrirbyggja slys og leita allra leiða til að gera húsnæði, lóð, aðstöðu og búnað þannig úr garði að það sé sem öruggast fyrir börn.	941/2002, 37. gr.	
5.2	Æskilegt er að til staðar sé öryggistæki (s.s. bjalla, sími, kalltæki) til að kalla eftir aðstoð í neyðartilfellum.	gr. 14. 941/2002	
5.3	Með tilliti til slysavarna barna skulu opnanlegir gluggar vera þannig gerðir að ekki stafi af þeim hættu. Viðurkennd öryggiskeðja skal vera til staðar á opnanlegum gluggum sem eru í hæð barna. Öryggislæsingin verður að vera stillt með þeim hætti að gluggaopið sé ekki meira en 89 mm.	941/2002, 14. gr.	
5.4	Fara skal eftir ákvæðum ÍST EN stöðlum varðandi öryggi á leiksvæðum barna. Ekki mega vera nein op eða bil á bilinu 9 – 23 cm (til að hindra höfuð og háls-gildirur).	ÍST EN 1176. Rg. 942/2002	
5.5	Blöndunartæki við handlaugar barna skulu vera hitastýrð. Vatnshiti við töppunarstað skal ekki fara yfir 38°C.	941/2002, 14. gr.	
5.6	Skrá skal slys og óhöpp sem verða á þar til gerð eyðublöð.	941/2002, 36 gr., 942/2002 12. gr.	
5.7	Starfsmaður á leiksvæði skal hafa fengið þjálfun í skyndihjálp. Sjúkrakassi með nauðsynlegum gögnum skal vera til staðar.	Handb. um velferð og öryggi barna í leikskólum	
5.8	Við eftirlit með slysavörnum skal farið að leiðbeiningum Umhverfisstofnunar um öryggi og slysavarnir á leikskólum og leiksvæðum og ÍST-EN stöðlum þar sem við á.	941/2002, 35. gr.	
5.9	Öll hættuleg efni s.s. ræstiefni, lyf og önnur efnavara skulu geymd í læstri hirslu.	941/2002, 37. gr.	

6. LEIKFÖNG

		Rgl.nr.	Uppfyllt
6.1	Um leikföng gildir reglugerð um öryggi leikfanga og markaðssetningu þeirra á Evrópska efnahagssvæðinu.	944/2014	
6.2	Leikföng skulu hæfa aldri barna. Leikföng skulu vera CE-merkt og skulu yfirfarin og þriffin reglulega.	941/2002, 35. gr.	

7. LÓÐ, LEIKVALLATÆKI OG LEIKSVÆÐI

		Rgl.nr.	Uppfyllt
7.1	Um leikvallatæki og leiksvæði gildir reglugerð nr. 942/2002 um öryggi leikvallatækja og leiksvæða og eftirlit með þeim.	942/2002	
7.2	Leikvallatæki, undirlag og annar búnaður skulu uppfylla ÍST-EN staðla sem taldir eru upp í viðauka I og IV.	942/2002, viðauki I og IV	
7.3	Innra eftirlit skal vera í samræmi við 12. gr. reglugerðar um öryggi leikvallatækja og leiksvæða og eftirlit með þeim.	942/2002, 12. gr.	
7.4	Innra eftirlit greinist í reglubundna yfirlistskoðun, rekstrarskoðun og aðalskoðun. Afrit af skýrslum um aðalskoðun skal vera til staðar í starfstöð og skal eftirlitsaðili hafa aðgang að þeim. Tilgreina skal til hvaða úrbóta skal grípa þegar frávík verða frá ákvæðum reglugerðar og hvenær úrbótum er lokið. Sjá dæmi um rekstrarskoðun á https://www.ust.is/library/Skrar/Atvinnulif/Hollustuhaettir/ReglulegSkodunLeikvalla.pdf	Rg- 942/2002, Viðauki III	
7.5	Um frágang, viðhald og sandskipti í sandkössum skal fara eftir leiðbeiningum Umhverfisstofnunar. Sjá kafla 3.8 í Öryggisvísi leiksvæða á heimasíðu Umhverfisstofnunar, https://www.ust.is/library/Skrar/Atvinnulif/Hollustuhaettir/oryggisvisir_2004.pdf	942/2002, 7. gr.	
7.6	Leiksvæði skal vera vel framræst og þess gætt að vatn safnist ekki fyrir á lóðinni þannig að stafi hætta af.	Rg- 942/2002, Viðauki II	
7.7	Leikskólalóðir skulu afgirtar. Frágangur lóða skal vera þannig að börnum stafi ekki hætta af.	Rg- 941/2002, 35. gr.	


8. UMHVERFISMÁL

		Rgl.nr.	Uppfyllt
8.1	Aðkoma og lóð skulu vera hrein og snyrtileg og uppfylla almenn öryggissjónarmið.	941/2002, 18., 34. gr.	
8.2	Á leiksvæðum skal vera skilti með upplýsingum sem auðveldar einstaklingum, sem þurfa að kalla eftir aðstoð sjúkrabíls, að koma réttum upplýsingum til skila. Þar skal einnig koma fram upplýsingar um ábyrgðaraðila og tengiliði.	ÍST EN 1176. Rg. 942/2002	
8.3	Leitast skal við að draga úr sorpmyndun og auka endurvinnslu úrgangs.	737/2003, 12. gr.	
8.4	Á leiksvæðum skal gert ráð fyrir ruslabiðum og losun sorps eftir því sem við á.	942/2002, 7. gr.	
8.5	Á leiksvæðum skal vera góð lýsing.	942/2002, 6. gr.	
8.6	Fara skal að ákvæðum reglugerðar um fráveitu og skólp eftir því sem við á.	798/1999	

Starfsleyfisskilyrðin eiga sér m.a. stoð í eftirfarandi lögum og reglugerðum með síðari breytingum:

lögum nr. 7/1998 um hollustuhætti og mengunarvarnir m.s.br.
 efnalög nr. 61/2013 og reglugerðum sem á þeim byggja.
 reglugerð nr. 941/2002 um hollustuhætti m.s.br.
 reglugerð nr. 942/2002 um öryggi leikvallatækja og leiksvæða og eftirlit með þeim m.s.br.
 reglugerð nr. 944/2014 um öryggi leikfanga og markaðssetningu þeirra á Evrópska efnahagssvæðinu.
 reglugerð nr. 737/2003 um meðhöndlun úrgangs.
 reglugerð nr. 724/2008 um hávaða.
 reglugerð nr. 798/1999 um fráveitur og skólp m.s.br.
 lögum nr. 6/2002 um tóbaksvarnir.
 reglugerð nr. 326/2007 um takmarkanir á tóbaksreykingum.
 reglugerð nr. 536/2001 um neysluvatn m.s.br.
 byggingarreglugerð nr. 112/2012.
 Handbók um velferð og öryggi barna í leikskólum og grunnskólum, Menntarmálastofnun.

Reykjavík 30.11.2017



 Kristín Linda Árnadóttir

STARFSLEYFISSKILYRÐI FYRIR STARFSEMI MEÐ GÆLUDÝR

Samræmd starfsleyfisskilyrði vegna hollustuhátta, sbr. lög nr. 7/1998 um hollustuhætti og mengunarvarnir, með síðari breytingum

1. ALMENN ÁKVÆÐI OG GILDISSVIÐ

		Rgl.nr.	Uppfyllt
1.1	Starfsleyfið gildir fyrir mengunarvarnir, aðbúnað, aðkomu og öryggi gesta og viðskiptavina í starfsemi vegna geymslu og umhirðu dýra s.s. dýragæslur, dýralæknastofur, dýrasnyrtistofur, dýraspítala, gæludýraverslanir, dýragarða og umfangsmiklar dýrasýningar.	941/2002	
1.2	Starfsleyfið gildir aðeins í húsnæði sem tilgreint er í starfsleyfisumsókn og hlotið hefur samþykki byggingarfulltrúa og skipulagsyfirvalda fyrir starfsemina. Starfsleyfið tekur til húsnæðis og lóðar.	941/2002 og 112/2012	
1.3	Ef um annan starfsleyfisskyldan rekstur er að ræða samhliða gilda viðeigandi starfsleyfisskilyrði.	941/2002 og 785/1999	
1.4	Þess skal gætt við staðsetningu dýraþjónustu að hún valdi ekki ónæði s.s. vegna hávaða og/eða lyktarmengunar.	724/2008	
1.5	Rekstraraðili ber ábyrgð á rekstri að öllu leyti þar með talið að lögum og reglum, sem eiga við um starfsemina, sé fylgt sem og kröfum í starfsleyfisskilyrðum.	941/2002, 13.gr	
1.6	Heilbrigðisnefnd getur gert kröfu um innra eftirlit vegna starfseminnar.	941/2002, 9. gr	

2. HÚSNÆÐI OG BÚNAÐUR

2.1	Húsnæði skal vera vel viðhaldið. Húsnæðið skal vera aðskilið frá óskyldum atvinnurekstri eða íbúð.	941/2002 16. gr	
2.2	Húsakynni skulu vera hæfilega hituð og loftræst á fullnægjandi hátt.	941/2002 IV. kafli	
2.3	Þar sem við á skal lóð girt af með dýraheldri girðingu.	941/2002 IV. kafli	
2.4	Viðskiptavinir skulu eiga aðgang að fullbúinni snyrtingu með einnota handþurrkum og fullnægjandi loftræsingu.	941/2002 IV. kafli	
2.5	Læst og vel loftræst ræstiaðstaða skal vera til staðar. Þar skal vera nægilegt geymslurými fyrir ræstiahöld og efnavöru.	941/2002 14. gr	
2.6	Nota skal umhverfisvæn efni til þrifa þar sem því verður við komið og forðast óþarfa notkun efnavara.	941/2002 14. gr	
2.7	Fara skal að ákvæðum reglugerðar um fráveitur og skólp eftir því sem við á.	798/1999	

3. HREINLÆTI OG ÞRIF

3.1	Húsnæði og lóð þar sem fram fer gæludýrahald skal þrifið daglega eða oftar sem ræðst af notkun. Heilbrigðisnefnd getur gert kröfu um innra eftirlit vegna þrifa.	941/2002 IV. kafli	
3.2	Frágangur húsnæðis skal þannig gerður að auðvelt sé til þrifa.	941/2002 IV. kafli	
3.3	Loftræsikerfi skal hreinsa reglubundið í samræmi við fyrirliggjandi þjónustu- og rekstrarhandbók.	941/2002 IV. kafli	
3.4	Tóbaksnotkun er bönnuð þar sem almenningur leitar þjónustu.	Lög 6/2002	

4. Sóttvarnir

4.1	Fara skal að ákvæðum hollustuháttareglugerðar vegna ormahreinsunar á hundum og köttum.	941/2002 XV. kafli	
4.2	Rekstraraðilar fyrirtækja sem sjá um vörslu dýra er heimilt að fara fram á vottorð um hreinsun á hundi eða ketti.		
4.3	Dýrahæ skal flytja til viðurkenndrar móttökustöðvar.	737/2003	

5. ÖRYGGI OG SLYSAVARNIR

5.1	Gæludýr skulu ekki ganga laus þannig að viðskiptavinum sé hættu búin.	941/2002 9. og 11. gr	
5.2	Dýrageymslur skulu vera þannig gerðar að ekki sé hættu á að dýr geti sloppið.	941/2002 9. og 11. gr	
5.3	Í umgengni við dýr skal gæta varúðar þannig að hvorki hljótist af sly eða sýkingar.	941/2002 XV. kafli	

6. UMHVERFISMÁL

6.1	Aðkoma og athafnasvæði skulu hrein og uppfylla almenn öryggissjónarmið.	941/2002 14. gr	
6.2	Leitast skal við að draga úr sorpmyndun með endurvinnslu úrgangs.	737/2003	
6.3	Spilliefnum og lyfjaleifum skal safna og koma til viðurkenndrar móttökustöðvar.	737/2003	
6.4	Lyf og hættuleg efni skal geyma í læstum skápum. Efnavara skal merkt í samræmi við eiturefnalöggjöf og fargað á viðurkenndum móttökustöðum.	806/1999 og 737/2003 Viðauki I	

Starfsleyfisskilyrðin eiga sér m.a. stoð í eftirfarandi lögum og reglugerðum með síðari breytingum:

Lögum nr. 7/1998 um hollustuhætti og mengunarvarnir, reglugerð um hollustuhætti nr. 941/2002, reglugerð um

meðhöndlun úrgangs nr. 737/2003, reglugerð nr. 798/1999 um fráveitur og skólp, reglugerð um spilliefni nr. 806/1999, reglugerð nr. 236/1990 um flokkun og meðferð eiturefna, hættulegra efna og vörutegunda, sem innihalda slík efni, lögum nr. 6/2002 um tóbaksvarnir, reglugerð nr. 536/2001 um neysluvatn, byggingarreglugerð nr. 112/2012

Atvinnugreinaflokkur (ISAT95): 01.42.0.1 hundahótel, 01.42.0.2 Hunda og kattahótel, 52.49.1.0 gæludýraverslun, , 85.20.0.0, dýralæknastofur, 85.20.0.5 dýrasnyrtistofur, 85.20.0.4 dýragæsla, 85.20.02 dýraspítalar, 85.20.0.6 dýragarðar og dýrasýningar, 92.53.0.1 húsdýragarðar

Reykjavík 12.07.2018



Kristín Linda Árnadóttir

